

中山寺蔵草稿に基づく大円宝鑑国師愚堂和尚語録

(中)

木村俊彦

七、拈香語〔続〕

正法山妙心禅寺開山始祖・本有円成仏心覚照国師関山大和尚三百年忌之香語

二十四流日本禅 惜哉大半失其伝 関山幸有児孫在 続焰聯芳三百年

(稿云、花園何幸已繁茂 続焰聯芳三百年)

註 見出しは中山寺蔵墨跡から取材。この香語に關する『大円宝鑑国師年譜』万治二年の雪潭記述を訓読して紹介する。

〔本山は適々関山国師三百年忌に丁る。預じめ九月十二日を以つて之を修す。是の年は幸いに当派の輪次に屬するを以つて師を推して住持と為す。本山は六、七年前従り法堂・寢堂・書院・庫司等を剋建して一齊に輪奐す。五岳の東堂西堂、数百の雲衆を敦請し、四海の法孫千万衆悉く花園に集まる。煎点半齋は清規に依りて之を行う。六、七日已前に師は聖沢に移居す。五岳と吾門の耆徳門徒四衆は悉く院中に輻輳す。進調する者は市の如く雲に似たり。松平市令は武騎二人歩卒數輩に命じて以つて監護と為す。宿忌は焼香九拜す。煎点の時師は出て主位に列す。半齋の時師は十八拜を展ぶ。香語を唱えて喝一喝す。勅使両員が法会に臨む。両柄が出て開山国師追諡の 繪旨並びに法堂建立の勅黄を宣伝す。了りて大衆は首楞嚴神呪を諷演す。師は杖に扶けら

れて（行者が師の左手を把る）衆を帥いて行道すること十歩許り、諸者は夙に師の勞倦を議して東面に曲景を置き、之に坐せしむ。諷演五返にして行道一匝、漸く畢る。其の声は轟々として雷の震うが如し。師は曲景に倚り安眠すること平時の如し。豊玉と玄永が左右に侍して介抱を為す（袖の裏に針・糸・丹藥を秘す）。師は又主位に返り焼香礼拝し、回向畢りて法堂を出、廊下に到りて曰く、我困倦せりと、地に坐して臥勢を作す。禿翁が急ぎ来りて曰く、尊候如何と。二人は答えて曰く老僧困倦せりと。翁曰く、速やかに保護して院に入るべし、既に拈香有らば則ち齋堂の首位を欠くと雖も寧ろ麈尾と為さんや、と。二人共に諾して師を輿に乗せ、聖沢に帰る。師の氣貌は常に復し、一笑して茶を喫す。師は既に老大、職務の繁冗なるを以つて体道をして代つて住持せしむ。是に於て本山に住すること四会也。又花山に退居す。」

註記 本来、弟子の臨川寺・泰翁良儉が本山住持であつたが、関山国師三百年忌に丁つて焼香導師を師に譲つたもので、住持の師だつた事及び宗門の耆徳であることから起つたことである。後を弟子の少林寺・体道宜全に任せて四住妙心とされたと。本偈は住持中の香語故、他と同様拈香語に納めた。入祖堂法語の前に置くべきものである。稿に試句があつたことを伝えているが、「関山幸いに愚堂有る在り」とあるのを見た大愚が「俺も居るぞ」と言つたので「児孫有る在り」に変えたと言うのは作り話である事が雪潭の筆で理解される。「二十四流」については荻須純道『日本中世禅宗史』（木耳社、昭和四十年）参照。国師御自身は寛文元年の自贊で「三住妙心」を名乗つておられる。

隆芳院殿十三回忌香語（越前宰相也。息之少将請之。在越州唱焉）

此香塵々深根、刹々固帯。非方非円、非麈非細。大日本国越之前州太守三宝弟子・源光通公、明暦丁酉八月初一日、伏値 先考隆芳院殿前參議廓翁貞真大居士十三回忌之辰、設大齋会、作大仏事。齋筵散了二十余日之後山僧偶々過城下。於是 太守命山僧焚宝香為 先考将追増冥福者。仍普用供養十方常住仏陀耶十方常住達摩耶十方常住

僧伽耶·觀音勢至文殊普賢諸大薩埵·聲聞緣覺諸聖賢衆·閻羅(魔)大王十殿明君諸司獄吏汨無辺賢聖一切含靈等。所鳩善利專為 大居士。大居士還會麼。生前治國起家揚名播德、死後脫俗出塵、軫凡入聖也。靡不由此而弁其事。当地獄餓鬼由是拔苦停酸療飢止渴。畜生修羅由此免獠狻之悲、解鬪爭之曠、人天由此離八苦除五衰。六趣九類乃至遍法界盡虛空微塵國土中一切衆生由此無不成等正覺。(挿香云)山僧亦由此打一偈、贊揚孝心至誠。忌景時哉天所惠 有梅有菊有蘭蕙 神靈加護可無窮 永祝兒孫領万世 喝一喝。

仏性院殿大祥忌之香語(松平大和守)

今茲慶安庚寅八月十五日者乃是仏性院殿前拾遺鉄関了無大居士大祥忌之辰也。孝子某(直正)預寄信於大仙精舎、來命老僧執行仏事。仍自三日前莊嚴道場、營弁伊蒲。敦請他山諸尊宿、聚會遠方諸禪德、脩諸般白業。疾書也懺摩也施食也。況又晨香夕灯昼誦夜禪、這般種々功德專奉為居士者也。今当散筵燒香半齋之次、老僧亦打小伽陀一篇、与這香共供養十方諸聖三界万靈等、兼贊揚大居士德用云爾。

透過鉄関了無字 任他龐老叫難々 要知居士真消息 一炷烟中着眼看 喝一喝。

一品大猷院殿小祥忌香語

承応歲之壬辰孟夏念日、源昌勝(石川主殿頭在龜城請之)伏值 賢君大猷院殿小祥忌之辰、令小比丘東窻焚此宝香、為 賢君奉資助冥福。伏願依這箇薰力処生死流、驪珠独耀於滄海踞涅槃岸、桂輪孤朗於碧天。仍賦小偈一篇、敢加贊揚。

小祥忌景雖移易 万国競争婦子孫 爰有忠臣借予手 梅檀一炷報 君恩 喝一喝。

前殿中監大斂忌之香語（石川主殿頭）

今茲慶安辛卯仲春十三日者廻 前殿中監源總輔大居士大斂忌之辰也。孝孫昌勝遠寄信於大仙精舍、為大居士特修冥福。仍先忌數日莊嚴道場、敦請緇流、營弁伊蒲精膳、嚴修諸般白業。今當散筵虔備香花灯燭茶菓珍饈、以伸供養。謹集現前清衆同音諷演大仏頂首楞嚴神呪之次、命山僧焚此宝香供養十方婆伽梵。法界諸賢聖・当忌教主瑠璃光仏。所鳩功德專奉為大居士者也。山僧不任嘉歎唱小伽陀、以聊加贊揚云、

瑠璃宝月影円満 徧照世間利衆生 今日何須俛他力 元来自己有光明 喝一喝。

塔婆銘（鉄岩道堅大禪定門大斂忌）

壇弘・大斂并卒哭三忌三日供養就施食懺摩妙法花開設齋筵、求闕救。弥勒・藥師・觀世音降臨道場、賜孚祐。預延雖不当律儀、畢竟空中無先後、先後処有參差。離此二途始到家、自己靈光周塵刹。平生勇氣透塵沙、十方賢聖來嘉賞、多劫冤讐退歎嗟。時立一基千古様。孝児孝義更何加。夫以今茲寛永庚辰仲冬十三日同二十日、来年壬己正月十一日者廻大仙檀越鉄岩道堅大禪定門之壇弘・大斂・卒哭等三忌之辰也。孝子・知通公事万端、仍備畧法。此故大斂之当忌為中日。自先一日至翌日就于大仙精舍莊嚴道場、營弁伊蒲。屈請十方清淨衆、修諸般白業。就中勤修者頓写也懺摩也施食也。然拔苦与楽之法更有何方便加之哉。実功德至矣。加旃、今當散筵諷誦大仏頂万行首楞嚴神呪之次、造立木浮図一基、小比丘東寔銘之。漫賦二八句充之。銘且不断煩惱修証菩提、不離生死入涅槃唯在当人一念心中而已。所希頓証無上菩提速入無余涅槃。咄々々。力困希。

（寛永庚辰仲冬十三日記焉） 註 二八句を原稿に欠く。

經銘（正伝寺殿一鉄宗勢大居士五十年忌）

昔日世尊四十九年之說・大藏五千余卷、將法花為第一經王。今日孝子方通公謹值先考 正伝寺殿一鉄宗勢大居士半白忌之辰、修種々白業諸般法事。殊頓写法花七軸。書一法花則大藏五千同時真理已顯。靈山之一會嚴然未散。二十余員大手筆頓書寫之則不起一念也。正与麼時祖仏難瞞、魔外不窺。於此山野打四八小偈、以充大經銘。法花七軸說妙說玄 扱大手筆二十余員 分明寫出不錯烏焉 積功德也刹界三千

塔銘〔默庵道說禪門所願忌〕

五蘊非有 四大本空 要知真面目、

名月弘清風 咄。

夫以默庵道說禪門族川口氏、紀州人也。不遇時而在逆旅之中者年久矣。頃遊洛下託于故人宗樹之家者有月矣。有日一日感微疾而病日重而無力醫之、耆婆拱手、医王攢眉。于時予往宗樹之家与彼川口氏邂逅。川口謂予曰、我不幸仕途失便者年尚矣。況今得此病。想夫保生之日短、婦死之時迫。願得諱号為菩提結緣。即日剃髮、更形取弟子之礼。仍諱之曰道說、字之曰默庵。且授三聚淨戒等了、退而後十余日而死矣。於此故人宗樹葬彼骸於空也堂之後而使予唱下火之偈。実寛永丙寅八月五日。丁初願忌之辰宗樹自就私宅供仏齋、僧諷演大仏頂万行首楞嚴神呪之次、彫刻木浮図、請銘於予。乃書如上之小伽陀、以充銘。伏希依這箇薰力頓〔出〕生死之流、直到涅槃岸。野釈比丘〔諱〕誌焉。

非心道是居士三回忌法語〔俗名杉田主水・越前宰相家臣〕

今年慶安辛卯孟春念六日、三宝弟子功德主越人某、伏值先考非心道是居士三周忌之辰。於是遠寄信來、就于大仙精舍齋僧供仏、命小比丘東寔燒香。聊打一偈以充香語云爾。

信受非心非仏旨 齋僧功德露堂々 時哉昨夜越山雪 三入梅花徧界香

某禪定門拈香語

大日本国武州江城住三宝弟子功德主孝信女、今茲正保丁亥小春十六莫、伏值某禪定門三十三白忌之辰、就于海禪精舍、莊嚴道場、屈請大衆、以薦冥福。諷演大仏頂万行首楞嚴神呪之次命小比丘東寔焚此宝香、供養三世十方諸仏・当忌教主虚空藏菩薩・歷代祖師三界万靈等、殊奉為某禪定門。東寔亦綴一偈數句、以聊加贊揚云爾。

二孝心感通正堪哀 三十三霜時至哉 別々世間相常住 長松脩竹一枝梅

夫以幻妄境中有生有死、真淨界内無去無来。觀彼久遠事、驚他一夢回。但見富貴名利總冷如灰、是非得失又輕似埃。雖然要見阿爺面目麼。

夜深寒月照高台 喝一喝。

一品大相国大猷院殿香語（松平市正請。在豊後木付養徳唱之）

故都雖幽聊指路頭 無心到处染土玄猷

大道徹居士十三回忌之拈香（俗名・松平丹後守）

這箇元来無變易 星移物換三十三霜 時哉不待寒梅發 五月炎天菊有芳

（以冬月忌辰預於夏月當之。仍有此句）

松柏宗榮居士三十三年香語

一彈指頃 三十三霜 真如不變 松柏蒼々

古田真空首七之塔銘（九月五日卒）

時哉老圃秋容淡 首七之風光節後之日 菊猶建塔幾重々 看来九々八十一

大心小斂忌香語（松平丹後守之道稱）

探請明年正月天 預凌臘雪設齋筵 梅壇一炷纔拈去 薰徹三千与大千

庸山和尚七年忌香語

七年閑日月 只是一飛螢 我有報恩句 吹毛常斃劖

鉄岩道堅大禪定門十七回忌（稱葉右近。是乃稱葉一鉄之次男也）

石火電光十七年 曾孫殊為設齋筵 看々居士心空処 輕揚梅檀一炷烟

次韻真源禪師百五十年忌偈

添趣忌齋賜尊偈 無端一句定乾坤 更將竜泉三尺劍 霜刃常磨濟水源
（此時於大仙師者〔令〕侍真広雲唱香語燒香礼拝。雲再四雖辞之、師不許）

塔婆銘

時哉首七之風光 五月如秋菊有芳 猶勝国師無縫塔 籬邊擎出一枝黃 咄。
夫以明曆丙申仲夏十三日正当縁外義息禪定門初願忌之辰也。此日即就于大仙精舎投擲淨財、莊嚴道場、伸於齋筵。請於禪侶、設水陸之會。諷演首楞嚴神呪之次、彫刻木浮圖、請銘。書如上之一偈充銘。伏所希者禪門高着眼。

塔婆銘

軀身一着 無二無三 咄。天高東南

今茲承応昭陽大荒落南侶二十二冀者廼是鉄叟隆元禪定門二十七回遠忌之辰也。三宝弟子某等就私第營弁伊蒲塞、敦請六和衆、以修白業。殊設水陸妙供施諸餓鬼。今当散筵諷演大仏頂万行首楞嚴神呪之次、彫刻木浮圖、請銘。書上之一偈応之云爾。

竹窓清陰禪尼塔婆銘

或談黃花般若 或弄翠竹真如 其孰為此者 廓然如太虛

己丑二月十九日者某十三回忌之辰也。孝孫尽力彫刻簡塔、請銘。仍賦如上之一篇充銘。所希禪尼直下承当去。

有隣道無信士二十五年忌塔婆銘

一二三四五六七 七六五四三二一 夜々月向西方沈 日々々〔陽〕自東方出

註 塔婆で具体的な説明がないものは次の偈頌・詩聯に加えた。

八、偈頌・詩聯

仏誕生（住正法山作焉）

竺土山河本太平 如何使此怪児生 至今天下被渠乱 唯独一言亡国声

仏誕生日香語

忽然産出鳳凰児 已宿竜巢刷羽儀 從此山河增瑞氣 祥光高発照丹墀

仏生日（代雛僧和）

七步周行試先陣 初生猛將活機先 毒花却做藍園雪 百万魔軍馬不揃

又（代童子和）

寒岩四月仏生日 始見春光和氣全 一字花堂何足用 千紅万紫寺門前

仏成道

入山端的大好生 物々時々心不平 昨夜明星化鶉否 瞿曇双眼動鷹睛

同

踰城端の太好生 山色溪声心不平 昨夜明星化鶉否 瞿曇双眼動鷹睛

同

憶昔雪山顛 明星光燦爛 殊不知天災 呼作旧公案

同

枉動干戈出城下 運籌雪嶺六年強 功名雖好又何用 力尽神疲鬢半霜

同

当知父母所生日 悉見三千絕是非 一点明星忽作翳 雪山嶺上眼花飛

祖因禪者（永源琢首座之弟子）仏成道日作頌示予。予依韻示衆。

八千來往得能知 六白工夫豈鈍痴 却恐兒孫太容易 於無疑地盍生疑

仏成道日

這老黃面 謾迷生靈 本無万象 見甚明星

仏涅槃

明日無兮今日有 臨行供款法中王 五千余卷皆論語 四十九年夢一場

仏涅槃日（代離僧和）

樽示双趺時節子 葉婆不敢得吁嗟 可憐一切衆生類 恰似蝶蜂慕落花

達磨乘芦葉圖

得々遠來万里東 梁王殿上失神通 可憐揚子江頭暮 一葦暗橫兩岸風

酒井飛驒守源重之婦依禪門、称花翁寿潤。繪肖像請贊。(承応乙未孟春日)

腰間佩劍要平不平 唯有忠義豈為功名 註 贊詞に追加。

円光主盟菊潭文英禅尼尋常有志于立寺度僧(施僧奉仏)、実可嘉焉(嘉尚)。一日招予賜茶。茶話之次見求拙辭。

境中有靈石、号盤陀境。仍留一偈云、

度僧立寺(施僧奉仏) 永結勝縁 英公願力 与石斉堅

註 岩倉・円通寺の額では「施僧奉仏」。菊潭尼は後水尾上皇の皇女。

团扇(応勅題焉)

燕子秋房翹翼時 荷花落水映幽池 若逢社日翻飛去 余馥殘芳留与誰

蓮図(応勅題焉)

山川草木各争榮 蓮出淤泥清轉清 一自濂溪比君子 花中千古發芳名

題膳所平津寺

編柴作戶竹為門 寒殿無僧一徑存
雨露夕陽懸木末 雪消春暖透苔痕

悼一糸文守

堪惜俄然移法席 何人為我振宗綱
橫担榔槩那辺去 老淚咽烟一炷香
(右、賦小偈悼永源守庵主)

正灯庵落成(在武州江府、門中諸老有和韻)

広漠江城夕下東 新開藜莽作禪叢
数椽茅舍雖然小 容尽十方不滿中

春鐘(幼年初製)

花辺投宿不須眠 多少樓台落月前
聊亦欲成芳草夢 一声喚覺五更天

贈雲居禪師(住松島)

滅却正灯重不照 暗中縲索尽三千
松風吹月上松島 將謂扶桑無復禪

題春日局(麟祥院殿)夢本来面目

未通一笑腸断先 此是天然美少年
西施紅顏猶失色 貴妃翠黛更羞娟

投機偈（師二十九歳、於播州三友寺）

自笑十年行脚事 瘦藤破笠扣禪扉 元來佛法無多子 喫茶喫飯又着衣

註 この投機の偈は時と場所が重要だが、祖寧版は雪潭註を省いている。

正三道者予旧識也。維時明暦元年六月念五日、俄然行脚。聊述一偈餞行色云爾。

道心堅固益不退 恰似車輪轉未甘 今日臨行能記否 前三々与後三々

註 祖寧版は「道心不退益堅固」のまま、雪潭の訂正を無視している。

和玄密作頌、贈寬宗。

羨君一箇自由身 白眼看他富貴人 当軒大坐茅庵月 只識無求不識貧

次韻人歳旦

珍重花山古梵刹 官梅御柳得時新 新詩吐出胸中墨 散作煙霞潤色春

謝乾光和尚來臨

咫尺尋常若千里 此師何事辱來臨 殘灯挑尽苦相對 半語曹溪半少林

山水図賛（在稻葉氏右近之家）

柴門茅屋數株柳 料識當時隱者栽 欲向橋辺問過客 旧基開闢幾年來

竊以菴福禪寺住持陽南大和尚者叢林老成也。師在此国宗門增重。惜哉今茲竟永已卯九月十有八日俄然示寂。於此同門闔山大和尚作偈追悼之。門中之諸老各有擊節。(予)亦謹依尊韻。

休道先師迂化去 乾坤不尽是渠誰 十方三界他真相 莫把丹青畫面皮

孤月軒

前無伴兮後無侶 一鏡晴飛朗碧空 好逐四時作賓主 与花与雪与涼風

木村玄伯翁者洛之老医也。天性寬裕、有仁之作也。見人有病如己有病。普施其藥、不挾貧富、不分親疎。況復有意其報乎。可謂一代良医也。翁与予取交者有年矣。一日就予請軒号。因翁之請不獲拒辭、右書孤月二字、賦野詩一章贈之云爾。

次一糸韻(師并雲居至永源寺。一糸作偈、和之)

法友尋盟入遠林 道人以偈謝來臨 不參海月山雲句 誰識兩翁今夜心

即興(乘舟下木曾川)

東嶺雪西嶺雪 南村梅北村梅 中間有小舟在 処々任心往来

題真正寺之松風(方丈前有二囲強長松樹。九月二十七日作)

可惜衆生還取信 諸方尽謂会心宗 誰知是法不平等 諸木雖多風在松

次韻。禪者來參（玄密）。

暮請晨參莫道遲 諸方領衆有禪師 老僧這裡別無法 黃葉擁門草閉扉

又

路遠山長水更深 煩渠得々到高岑 老僧愧是語言拙 此去他日定絕音

一介野僧自大坂城下乘船指豐陽入預州之地。青山疊々碧海悠悠々、嶋嶼無數高低秀出。此時此景不知別有蓬瀛。仍遣野詩一章、為旅客作笑具云爾。（師到豐後木付。城主松平市正時令某宗瑞書船屋形戶。正取此戶収城中。大猷公薨年也。吁年去師慈削此詞而已。）

無辺刹境眼中明 嶋嶼高低碧海清 快跨船舷得仙術 客衣如鶴入蓬瀛
又（代宗瑞和）

波瀾渺々月光明 島嶼团々天氣清 只此海山雲水外 不知何処是蓬瀛

答人贈詩（和明人韻。於江府逢明人、明人歸國後寄詩）

遠尋旧約寄書辰 一首新詩更駭人 莫笑和篇無秀句 風花雪月不干身

久保倉五郎右衛門乘醉興請讚（屏風描竜虎）

竜起雲時添意氣 虎生風処長威猛 主人活計三杯酒 醉裡狂言驚天地

雨中芍藥

芍藥枝々帶雨新 芳姿令色且佳人 予生却愧被花咲 白髮蒼顏逆旅身

二七日香語

二七元來十有四 預於此日設齋筵 孝心一片黃金義 菊苑重陽佳節前

辛卯孟夏之日、過友人琢禪翁閑居。翁作詩見示予。次韻酬之。兼述幽居勝概云、
千樹成陰一徑微 瘦節乘興扣幽扉 坐來境靜望室外 衆鳥孤雲相亂飛

贊跨驢布袋像

晨混長汀市 暮歸兜卒鄉 往來知幾度 驢背對斜陽

破沙盆

可惜宗門正法眼 無端拈作破沙盆 再調膠漆重能補 盛水通霄記月痕

和朝鮮人之韻

万里海波風穩時 布帆無恙可開眉 今日相逢欲相語 只恨不通貴國語

酬人詩（於江城祖厝呈詩。厝者本号池上惟三、鴻儒也。曾事水戶宰相而後捨儒歸穡。為清淨僧住庵而竟入火定）
八十殘僧逆旅秋 客來閑話實能幽 清茶一盞一炉底 猶勝雲門參睦州

了堂軫位賀頌

趙州常愛密雲龍 弄豎尾蛇老雪峰 今日堂中第一座 將獅子吼振吾宗

塔銘

數尺浮圖新削出 一基高築聳林間 若將至理論功德 不屑須弥百億山

次韻於禪者之來訪（於大仙寺）

莫道殘僧耽寂寞 松風竹雨自淒々 多年栖老山中寺 屋壁雖踈懶着泥

予友無名老翁（岡本半助、後号喜庵）者追從西天猛將常習軍法者也。但大方広円覚修多羅了義經者能降伏生死魔軍底兵書也。老翁由是受持誦誦此經若干卷。曾有戰功、實一代英雄也。一日作詩見寄。予亦依韻唱太平歌云爾。

莫論鶴翼與魚鱗 生死魔軍潛跡痕 円覚海中万波穩 於他彼岸豈迷津 烏有子道人書。

丁酉之春、軫輪座元拈胡餅作大円鏡而寄來、祝新年頭。謝之以偈云、遠寄祝春大円鏡 開匳先問口皮辺 從來將謂瀉山物 元是雲門屋裡禪

昨外宮第六祢宜度会貞和、取親自所折紫藤數十莖而寄來以一首和歌。時赴村齋不能即答。翌日攀歌下句之末字作韻、賦野詩一章、以謝來意腆云爾。

林間紫蕨雨余肥 親寄殘僧伸供養 道人受用任自然 不須賢者尋山上

岳雲老翁(岡本半助)遠寄貫花、被賀新年之拄杖子。予亦次其韻尾以祝翁之孫枝子葉云、
称官上古太平時 或以竜師或鳥師 今日老翁君命重 栽松正好長孫子

過去帳銘(書於靈簿)

諸行無常 諸法無我 箇々人々 同成仏果

遺偈

今日利益 老僧稍存 他日利益 付在子孫 咄。

右預書以遺囑雷峰座元。万治己亥臘月十二日、前正法山愚堂東寔八十三歲。(印々花押)

註 中山寺藏墨跡より取材。

〔四、道号記の補填〕

為宗悟首座賦大疑之号

此事元來非小事 幾年起坐掛心頭 一千七百伝灯祖 自始誰是即便休

劫外(師、後改至道無難、授庵主号。後住江城、剎東北寺於麻布之椽田)

三輪道時居士者濃陽關原人也。曾是見諸禪師扣問大事。久而無入處。退而自參自窮久矣。一夕忽如夢醒、疑情頓破。今也就予請別号。字之曰劫外。仍賦小偈一篇祝遠大云爾。

造化何曾論功用 無根樹上着花新 非紅非白呈祥瑞 未必人間有此春

心安(岡本半助之号)

江府有一老人、自号心安。就予請書心安二大字。不得獲拒辭、仍庇其命。且賦一偈以祝遠大云、淡飯飽茶飽即休 又和雪月事吟遊 時人不識此真樂 多走紅塵空白頭 慶安戊子仲冬吉辰

月峰(号)

瑠璃光主盟德円後板者濃之不破人也。從予倘伴者有年矣。一日就予求道称。書上之二字以与之。証之以一偈。一片銀蟾正十分 靈犀因翫角生紋 夜深試上絕巔看 眼底空々無点雲 元和二年丙辰秋吉日、花園末葉愚堂景哲書。

江門(号)

豎無涯涘橫無門 穿過金輪為礎盤 若向源頭闕閉去 百年東海一時乾

高岫(号)

山低有秀 況又凌雲 晨生初日 夕留殘曠

愚庵説

中山長康主盟智公記室常乘閑訪余於正伝草廬者有年于茲矣。一日使楮先生來至、需別稱於余。余謂先生曰、稱愚庵可也乎。先生憤然作色曰、夫人者依德立名、依名知德。昔子貢問孔子曰、孔文子何以謂之文也。夫子曰、敏而好學不恥下問、以是謂之文。然則古人立名良有以也。今也稱之以愚、夫唯欺人歟。曰不然。有下愚之愚、有真愚之愚。玉石不分金鏹不弁。見善不進見惡不退、或斂去矣。而船猶刻兔逸株不移。如斯類謂之下愚。下愚無所取也。又禍來不懼、福來不喜。參至無參、悟同未悟、若之倫謂之真愚。真愚即上知也。豈不見乎、孔夫子曰、其知可及也、其愚不可及也。而今稱愚庵者欺之有哉。先生曰、然不然更欲使人、人無疑不亦難乎。余不及重宣、此翁默然休去。傍有管城翁脫帽擎頭出來、拈管向虛空裏点一点曰、看々離這箇全無知去。那箇更無愚上知。從此得下愚亦依他。記室諱承智、字愚庵。上座之説已以晰〔至〕當、何不速書哉。時夕陽半收素月初亮。墨竜起雲硯水激浪。余忽々不覺漫塗糊去。

時元和己未孟夏念二日

註 大仙寺所藏の「宝鑑録拾遺」から補填。

体道

永伊首座之号称体道。廻賦一偈為証之。

通身只這鉄牛機 作用何曾涉是非 好箇廓然虚豁態 所行無処不光輝

于寛永壬申仲春十七日 前住妙心愚堂東寔書

註 『美濃大仙寺史』より取材。

〔五、印可証明の補填〕

与永源一糸印記

祖師云、不因師悟者万中希有。若自己以縁会合得聖人意即不用參善知識。文守禪人者乃其人也。早明了自己竟不因人求。此故坐石上処樹下、閑居過日者年久矣。老僧曾一見早知有過量見矣。他日挾路相逢、直以向上鉗鎚驗之、恰如金剛不破壞。又雖事々施陷虎機、猶具獅子返擲機。又以平常語話子細勘驗之、与老僧見処不異。如兩鏡相照、於中無影像。真吾家種草也。他日建法幢立宗旨、運濟往來報仏祖恩、實不辜負老僧意。祝々。

正保甲申七月初三日 正法山主愚堂東寔書

劫外一日透得至道無難之話、徹見趙州・雪竇二大老用處。依是師又授至道庵主号并平生所持弘子、以顯別在生涯。頌曰、

粲祖自曾著信心 詞花言葉盛叢林 那辺何用弄文筆 寂々寥々亘古今

註 祖寧版より取材。

〔六、贊詞の補填〕

觀音大士贊

補陀岩上定封疆 随感応縁尽十方 除却衆生煩惱熱 千江月影更清涼

木像達磨贊（箕孫和尚請）

九年觀壁功成處 伝法得人三四人 骨肉髓皮分付去 仮他木概現全身

達磨繪（像） 註 祖寧版に欠く。

將謂最初失梁王 看來末後得神光 单伝密意令誰識 唯有黃花晚節香
雖然千載後 的々已芳香 要識单伝旨 菊猶有傲霜

達磨贊 註 祖寧版に欠く。

遠赴流沙千万里 為法亡身亦亡死 禪海浪高魚化竜 武帝猶汲野塘水

同 註 祖寧版に欠き、宮本二天筆達磨図に対する贊。

十万迢々越漠來 梁王殿上一徘徊 竜顔不悅趁国出 千古難消滿面埃

布袋贊

折拄杖兮破布袋 乞兒伎兩也風流 闍浮都卒不移步 遊化神通得自由

古道和尚贊

江西正脈、濟北遠孫。坐大雄峰幾乎。堪稱師表。離臥竜窟、恰似辜負祖恩。不敢滯累先聖、然能覆蔭後昆。特賜紫衣時、奉 天子詔。直伝金闍處、旌師法尊。実領拈花旨。寧慕猥芋食、其離群也。如鳳于飛飄々、其

絕類也。似童遊化蜿々、大機電轉、大用雷奔。橫拈數莖龜毛、氣吞宇宙。傍靠一根兔角、眼蓋乾坤。臨行密付心印。韞匱宜待衲煖。堅固法身常住相。青山綠水鎮長存。

海禪寺當住太岩座元寄師叔古道和尚真、請贊。漫製俚語、以応來命。寬永歲之甲戌仲春吉旦、愚堂東寔書。

山水圖贊

誰家淡墨化工成 一見能教忘俗情 芦葉風颺秋水冷 松梢雨過暮山清
林間仏塔經年旧 江上漁舟終日橫 剛道画図人不信 無辺刹境眼中明
柴門茅屋數株柳 料識當時隱者栽 欲向橋邊問過客 旧基開闢幾年來

自贊

身貧道富。這一老僧拔衆生苦、得邪師憎。咦。狂雲埋不没、屹立嶺峻嶒。

海雲山慈眼禪寺諸檀越給予幻質、請贊。時万治〔寛文〕辛丑孟夏吉辰、三住妙心愚堂老衲書。

同

是魔是仏。倒退三千。咄々。万箭離弦。

酒井氏信土画予幻質持來。仍賦一偈報之。万治庚子林鐘〔六月〕吉辰。

同（如仙尼請）

鉄磨見瀉嶠、末山調大愚。二人共不是。汝道、這箇甚麼図。

靈照女贊

母言易々、父道唯々。不唯不易猶涉言端。畢竟在何處。諸人試弁看。

九、下火・掩土・預修・薦拔・示人

雲林寺殿奠湯仏事

此是僧家般若湯。寒時成熱、熱成涼。即今不用論生死、万古壺中日月長。夫以新捐館、雲林寺殿心月伝公居士、法社檀越、武門棟梁。無端投龐老機、及心空筭。直下示維摩病、居菩提房。不啻逼拶大士、況又欺瞞医王。毒菓醜酬、法界平等。和泥合水、真如実相。心月孤円、返照回光。呼之名涅槃岸、喚之号正覺場。酸鹹苦辛、冷熱温寒、元婦一味一性。神聖功巧君臣佐使、豈依上術二方。与麼時節、說什麼人參甘草、論什麼付子乾薑。雖然別有這不動一步、到大遷〔仙〕境底方。即今為居士不敢覆藏。希聽山僧拳揚。

何用別尋方外去 遠山無限碧蒼々

宝林寿貞下火

〔拈火把云〕見時離見即真見 真見何曾墮愛塵 直下有無俱照破 夜深北斗轉南辰
夫以、宝林寿貞信女不変守志堅信。況又懷義含仁、了知四本来空。何当来劫受苦。弁得五蘊元非有。正好今生度身。迷則有生有死、悟則無我無人。正与麼時、說什麼三従五障。論什麼千苦万辛。雖然更有轉身句、作麼生指陳。

〔擲火把云〕看々金剛水際火神噴 喝一喝。

〔箇〕松首座下火燭（八十余歳而卒。大仙塔頭僧也）

天荒地老 石爛松枯 不勞下火 早脫皮膚

本源宗成信士為百年後預請秉炬之法語

（以火把打一円相云）只這箇本自円成。是謂火三昧、謂大覺城。一切衆生向這裏出沒、三世諸仏向這裏經行。出沒仮他力、經行不涉途端。遊戲自在逆順縱横。到這裏說什麼別不別、論什麼平不平。雖然百年後臨行一句作麼生。

（擲火把云）那畔何須來覓火 人々尽有是光明 喝一喝。

〔「上」の補正。六十四頁十四行目「久立珍重。下座。」は「不然、」に訂正します。〕

註 中山寺さんにて残余の撮影をさせて頂き、大仙寺さんからは『宝鑑録拾遺』（筆者不明）のコピーと『美濃大仙寺史』を贈与頂き大いに本稿を補足することができたが、遺憾にして「印可証明」のノートがなく、今となつては祖傳版に頼る以外にない。